




Mayor's Office of  
Immigrant Affairs




# Konnen Dwa Ou ak ICE

---

Si ajan **ICE** (Imigrasyon ak  
Ranfòsman Ladwàn) apwoche w,  
ou gen dwa!



**Kisa mwen ka  
fè si ICE nan  
pòt mwen?**



**Ou pa** oblije louveri pòt pou ICE oswa imigrasyon. Sonje **ou gen dwa** pou w rete an silans.

## Si ICE/Imigrasyon nan pòt ou:



**Dèyè pòt ki fèmen an**, ou ka mande yo kiyès yo ye epi mande yo pou montre badj yo, kat Idantite yo, oswa kat biznis yo atravè fenèt la, ti twou pòt la, oswa pase li anba pòt ki fèmen an.



Si ou konfime ke ICE/Imigrasyon nan pòt ou, mande si yo gen yon **manda arestasyon jidisyè**

Yon manda arestasyon jidisyè se yon papye ke yon jij siyen ki bay pèmasyon pou ICE/Imigrasyon arete yon moun.

Si yo di **NON**, Mwen  
pa gen yon manda,  
ou pa oblije kite yo  
antre.  
Ou ka di,



"Mwen pa vle pale  
avèk ou."

Si yo di **WI**, Mwen  
gen yon manda,  
mande yo glise l  
anba pòt la



Ou pral bezwen  
konfòm. Konfime  
non ki sou  
dokiman an epi  
asire w ke yon jij te  
siyen li.

Si ICE ap chèche yon moun, **ou pa bezwen pale**. Si ou chwazi pou pale, ou ka mande ICE pou kite enfòmasyon kontak yo. Pandan ou pa bezwen di ICE kote moun nan ye, bay fo enfòmasyon mete ou an danje.



**Nan yon ijans**, tankou yon menas pou sekirite piblik oswa yon menas pou lavi yon moun, ICE ka antre san yo pa mande pèmasyon ou. Si sa rive, **ou gen dwa pou w rete an silans**.

# Kisa mwèn ka fè si ICE anndan lakay mwèn?

Mwèn **pa** dakò  
pou fouy ou a.



Si ICE antre lakay ou san pèmisyon w, ou ka di yo aklè: **“Mwen pa dakò ak prezans ou nan kay mwen. Tanpri, kite.”** Di sa ka pa toujou sispann yo, men li ka ede nan nenpòt ka legal nan lavni.



Si ICE kòmanse fouye chanm ouwa atik nan kay ou, ou ka di yo: **“Mwen pa dakò ak fouy ou a.”**



Ou ka kontinye repete sa si yo kontinye fouy san konsantman. Ou ka fè yo konnen si gen timoun ouwa lòt moun ki frajil nan kay ou.

**Kisa mwen ka  
fè si ICE nan  
espas travay  
mwen?**



ICE ka antre nan **espas piblik** nenpòt travay san yo pa bezwen okenn manda.



**Espas piblik yo** ka gen ladan lobbi biwo, makèt, magazen rad, oswa zòn manje nan yon restoran.



ICE **pa ka** legalman antre nan espas prive nan yon travay sòf si yo gen **pèmisyon nan men patwon ou oswa yon manda arestasyon jidisyè**.



**Espas prive** yo se zòn sèlman pou anplwaye, ki ka gen ladann sal repo oswa sal depo nan yon travay.





**Anplwayè yo** ka mande ICE pou montre idantifikasyon yo epi mande si yo gen yon manda jidisyè

Kòm nan tout espas piblik, si ajan ICE apwoche w nan travay, **ou PA oblije reponn kesyon yo** e ou ka dirije yo bay patwon ou.



Kòm toujou, si ajan ICE eseye fouye pòch ou oswa afè ou, ou ka di: **“Mwen pa dakò pou yon fouy.”**



Si yo fouye ou de tout fason, ou pa ka fizikman anpeche yo, men di klèman ke ou pa dakò ka enpòtan nan nenpòt ka legal nan lavni.

**Kisa mwen ka  
fè si y ap  
kenbe oswa  
arete mwen?**



Sonje byen, ou gen dwa pou **rete an silans**.  
Ou gen dwa pou **pale ak yon avoka**.



Ou ka di ICE si ou gen **pwoblèm medikal** oswa si ou bezwen fè **aranjman pou swen timoun**.




Ajan ICE yo **ka pa pale lang ou prefere** a. Ou gen dwa pou mande yon entèprèt pou nenpòt konvèsasyon ak ICE oswa nenpòt randevou oswa odyans yo ba ou. Ou ka di, “**Mwen bezwen yon entèprèt.**”



Ou gen dwa pou yon avoka. Ou **pa bezwen siyen okenn dokiman** oswa **reponn okenn kesyon** anvan ou pale ak yon avoka.



Yon fwa yo te arete w, **w ap gen dwa** pou w fè apèl nan telefòn ak fanmi w, zanmi w, lidè kominotè w oswa avoka w.



Pandan ou nan detansyon, **ou ka resevwa vizitè**, tankou fanmi ou, zanmi ou, lidè kominotè ou, ak avoka ou. Remake byen, **chak prizon gen pwòp règ li** ke vizitè yo dwe revize davans.



Si ajan ICE ap eseye pale oswa arete ou, kòmanse oswa kontinye anrejistre ka mete ou an danje. Sepandan, **moun nan kominote a ka anrejistre ICE**, toutotan yo pa entèfere ak ofisye yo.

**Ou ka pataje ak avoka w nenpòt odyo, videyo, oswa nòt ekri sou arestasyon ke ou oswa yon moun ki te temwen arestasyon w genyen.**

**Pou plis enfòmasyon,**  
eskane kòd QR a



**Si ou oswa yon moun ou renmen ap riske depòtasyon, fè yon plan.**

**1**

**Eksplòre opsyon legal ou yo. Pale ak yon avoka ou fè konfyans epi evite fwod.**

 **1-800-354-0365**

**Lendi jiska Vandredi, 9AM - 6PM**

Entèpretasyon disponib

Nouyòkè imigran ki gen kesyon oswa enkyetid yo ta dwe rele Liy Asistans Legal Sipò pou Imigrasyon MOIA **pou enfòmasyon ak koneksyon ak asistans legal pou imigrasyon.**



Lwa sou imigrasyon se yon bagay konplike. Fè atansyon ak fwod legal imigrasyon oswa founisè ki bay fo pwomès

**Sonje byen:** Yon notè piblik ki pa yon avoka ki gen lisans pa ka ranpli oswa soumèt fòm imigrasyon pou ou. Yo pa dwe bay konsèy legal tou.

2

## Fè yon plan pou fanmi ou



**Chwazi yon kontak ijans epi memorize nimewo telefòn yo.** Yon kontak ijans ka yon moun ou fè konfyans – yon manm fanmi, zanmi, lidè kominotè, oswa yon avoka.



**Òganize dokiman ou yo** epi kenbe yo nan yon kote ki an sekirite kote kontak ijans ou ka gen aksè a yo.



**Chwazi yon gadyen pwovizwa: yon moun ou fè konfyans pou pran swen pitit ou si yo kenbe ou.** Gadyen pwovizwa a ap gen kapasite pou pran desizyon enpòtan sou timoun nan, tankou desizyon medikal oswa desizyon sou kote timoun nan pral lekòl.

**Pou plis enfòmasyon,**  
eskane kòd QR a



**Nòt**

[www.nyc.gov/immigrants](http://www.nyc.gov/immigrants)